

西漢會要
七



西漢會要

(七)

徐天麟撰

西漢會要卷三十一

宋徐天麟撰

職官一

上公四輔師友附

太師徐天麟按沈約宋書云漢制保傳在三公上號曰上公

太師古官平帝元始元年初置位在太傅上百官表下同

太傅

太傅古官高后元年初置金印紫綬後省八年復置後省哀帝元壽二年復置位在三公上

太保

太保古官平帝元始元年初置位次太傅

四輔

平帝元始元年授四輔之職王莽傳張晏曰莽爲太傅孔光爲太師王舜爲太保甄豐爲少傅是爲四輔

師友

成帝時張禹以特進爲天子師本傳

平帝卽位年幼選置師友大司徒孔光以明經高行爲孔氏師京兆尹金欽以家世忠孝爲金氏友金日磾傳

三公

丞相

相國丞相皆秦官金印紫綬掌丞天子助理萬機秦有左右高帝卽位置一丞相十一年更名相國綠綬按表下卷九年蕭何已遷相國此云十一年當考孝惠高后置左右丞相文帝二年復置一丞相有兩長史秩千石哀帝元壽二年更名大司徒武帝元狩五年初置司直秩比二千石掌佐丞相舉不法百官表上徐天麟按司徒官本表不載姑俟詳考

丞相徵事功臣表任宮以故丞相徵事手

丞相史秩尹咸孫禁漢舊儀注

丞相少史秩王山壽王禁漢儀注武帝

東曹掾嚴延年父爲東曹掾

西曹掾蕭由爲丞相西曹掾

集曹掾匡衡補陸

奏曹匡衡傳主簿陸

議曹李尋見翟

主簿匡衡傳主

大車屬鄭崇爲丞

丞相屬地理志

侍曹陳遵

從史匡衡遺從史

掾史比四百石餘掾比三百石屬比二百石正曰掾副曰屬方進傳又云闔府三百餘人

宰士翟方進傳古曰謂丞而位爲士也

計相張蒼爲計相以一月更以列侯相府領郡國上計者

太尉

太尉秦官金印紫綬掌武事百官表爰盎傳

高帝二年太尉長安侯廬綰五年罷太尉官十一年周勃爲太尉攻伐後官省司馬遷

惠帝六年置太尉官以勃爲太尉。本傳徐天麟按漢書及史記世家皆云六年而功臣表云高后四年爲太尉。又將相表云高后四年置太尉官。絳侯爲太尉。世家及兩表其文

自相抵牾。今止從世家。

孝文三年罷太尉官屬丞相。本紀。

孝景三年置太尉官。司馬遷將相表及漢書周亞夫傳。

七年罷太尉官。本紀。

孝武建元元年置太尉。二年罷太尉官。史記將相表。

元狩四年初置大司馬以冠將軍之號。師古曰冠者加於其上共爲一官也。

宣帝地節三年置大司馬不冠將軍亦無印綬官屬成帝綏和元年初賜大司馬金印紫綬置官屬祿比

丞相去將軍哀帝建平二年復去大司馬印綬官屬冠將軍如故元壽二年復賜大司馬印綬置官屬去

將軍位在司徒上有長史秩千石。並百官表。

大司馬司直。平帝召金欽爲大司馬司直漢舊儀云武帝元狩五年初置。

大司馬史。溝洫志。

功曹。大將軍王鳳除蕭育功曹。

西曹掾。樓護傳。

大司馬掾平紀

議曹史大司馬史高辟匡衡為議曹史

門下史大司馬車騎將軍召大司馬以爲門下史

主簿大司馬商除杜鄴主簿

御史大夫

御史大夫秦官位上卿茂陵書御史大夫秩中二千石銀印青綬掌副丞相有兩丞秩千石一曰中丞在殿中蘭臺掌圖

籍祕書外督部刺史內領侍御史員十五人受公卿奏事舉劾按章成帝綏和元年更名大司空金印紫

綬祿比丞相置長史如中丞官職如故哀帝建平二年復爲御史大夫元壽二年復爲大司空御史中丞

更名御史長史侍御史有繡衣直指服虔曰指事而行無阿私也出討姦猾治大獄武帝所制不常置百官表

御史中執法高紀晉灼曰中執法中丞也

御史中丞從事于定國與御史中丞從事治反者獄

符璽御史周昌傳趙堯爲符璽御史御史治書尙符璽者有印綬百官表

治書御史見上

監軍御史胡建傳

御史大夫掾何並大司空掾嚴延年爲御史掾

西曹掾鮑宣無西曹掾

主簿御史大夫張忠命孫寶主簿

少史蕭望之使少史冠法冠爲妻

御史屬御史大夫除谷永補屬史

柱下令高帝五年王恬啓爲柱下令又張蒼爲御史主柱下方書

九卿列卿附

正卿九劉熙釋云漢置十二卿一曰太常二曰太僕三曰衛尉四曰光祿勳五曰宗正六曰執金

辨云漢正卿九一曰太常二曰光祿三曰衛尉四曰太僕五曰廷尉六曰鴻臚七曰宗正

八曰司農九曰少府是爲九卿執金吾本故中尉掌徵巡宮外司執姦邪至武帝更執金

太常博士

奉常秦官掌宗廟禮儀有丞景帝中六年更名太常師古曰太常王者旌旗也王有大事則建以行禮官屬官有太樂太祝太宰太史太卜太醫六令丞又均官都水兩長丞又諸廟寢園食官令長丞又靡太宰

太祝令丞如淳曰五時在廳故五時各一尉。又博士及諸陵縣皆屬焉。景帝中六年更名太祝爲祠祀。武帝太初元年更曰廟祀。初置太卜。元帝永光元年分諸陵邑屬三輔。王莽改太常曰秩宗。百官表

太常掾朱博

太常掌故鍾鏞

太史掌故儒林傳房鳳

史書令史藝文志

待詔律歷志待詔李信治黃帝調歷

大典星律歷志上射姓等

治歷律歷志鄧平

望氣李廣傳望氣王朔

望氣佐郊祀志武帝遣望氣佐侯蓬萊

高廟僕射王莽傳上哀章持金匱至高廟以付僕射

廟郎百官表江德坐廟郎夜失火免

寢郎馮參

園郎班固又金敞傳云故事近臣皆隨寢爲園郎

禮官大夫儒林傳徐生以頌爲禮官大夫

曲臺署長孟喜

寫書官藝文志武帝置寫書之官當屬太史故附于此

博士

博士秦官掌通古今秩比六百石員多至數十人武帝建元五年初置五經博士宣帝黃龍元年稍增員

十二人百官表

楊何易歐陽書

后蒼禮

公羊春秋以上武帝立施孟易

梁邱易

大小夏侯尚書穀梁春秋

大小戴禮以上宣帝立

京氏易元帝立左氏春秋

古文尚書

毛詩逸禮以上平帝立

博士弟子五十人儒林傳武帝置

歌吹諸生儒林傳

光祿勳。大夫郎謁者期門羽林僕射。

郎中令秦官。掌宮殿掖門戶。有丞。武帝太初元年。更名光祿勳。應劭曰。光者明也。勳者勳也。屬官有大夫郎謁者。皆

秦官。又期門羽林皆屬焉。百官表。

掾。光祿勳子永。舉王嘉爲掾。

主事。張安世爲光祿勳。郎醉主事白行法。

大夫

大夫掌論議。有太中大夫。中大夫。諫大夫。皆無員。多至數十人。武帝元狩五年。初置諫大夫。秩比八百石。太初元年。更名中大夫爲光祿大夫。秩比二千石。太中大夫。秩比千石如故。百官表。

博士光祿大夫。夏侯勝。

郎

郎掌守門戶。出充車騎。有議郎。中郎。侍郎。郎中。皆無員。多至千人。議郎中郎秩比六百石。侍郎郎中秩比四百石。郎中比三百石。中郎有五官。左右三將。秩皆比二千石。郎中有車戶騎三將。秩皆比千石。百官表。如滿曰。主車曰車郎。主戶衛曰戶郎。漢儀注郎中令主郎中。左右車將主左右車郎。左右戶將主左右戶郎也。

外郎。惠紀。外郎滿六歲。賜爵二級。蘇林曰。外郎散郎也。

郎署長馮唐爲郎中署長師古曰爲郎中而爲郎署之長

車郎藝文志車郎張豐如

輦郎劉向

戶衛功臣表

騎郎將王吸李廣師古曰爲騎郎之將主騎郎

郎中騎千人功臣表

謁者

謁者掌賓贊受事員七十人秩比六百石有僕射秩比千石百官表

期門

期門服虔曰與期門下以徵行後遂以名官掌執兵送從武帝建元三年初置比郎無員多至千人有僕射秩比千石平帝

元始元年更名虎賁郎置中郎將秩比二千石百官表師古曰賁與

給事期門功臣表

羽林

羽林師古曰言其如羽之疾如林之多掌送從次期門武帝太初元年初置名曰建章營騎後更名羽林騎又取從軍死

事之子孫。養羽林官。教以五兵。號曰羽林孤兒。羽林有令丞。宣帝令中郎將騎都尉監羽林。秩比二千石。
百官表

羽林黃頭郎。鄧通

僕射。

僕射秦官。自侍中尚書博士郎皆有。古者重武官。有主射以督課之。軍屯吏驕。宰永巷宮人皆有。取其領事之號。百官表。孟康曰。皆有僕射。隨所領之事。以爲號也。若軍屯吏。則曰軍屯僕射。永巷則曰永巷僕射。

衛尉。

衛尉秦官。掌宮門衛屯兵。師古曰。漢舊儀云。衛尉寺在宮內。胡廣云。主宮闕。門內衛士於周垣下爲區廬。區廬若今之仗宿屋。有丞。景帝初。更名中大夫。令後元年。復爲衛尉。屬官有公車司馬。衛士旅賁三令丞。師古曰。漢官儀云。公車司馬掌殿司馬門。夜徵宮中。言爲奔走之任也。衛士三丞。又諸屯衛候司馬二十二宮皆屬焉。長樂建章甘泉衛尉皆掌其宮。職略同。百石。旅衆也。賁。與奔同。言爲奔走之任也。衛士三丞。又諸屯衛候司馬二十二宮皆屬焉。長樂建章甘泉衛尉皆掌其宮。職略同。不常置。百官表

未央衛尉。李廣

長樂司馬。律歷志。長樂司馬可。徐天麟按。長樂宮四面皆有公車司馬。門每門各二司馬。此卽八屯司馬之一也。

衛司馬。谷吉。鄭吉。

衛候馮奉世

長樂屯衛司馬馮遂

長樂戶將儒林傳尹更始

建章監衛青李陵

給事建章衛青

公車大誰卒五行志公車大誰卒注云大誰長令在司馬殿門衛士之師也

執楯功臣表孔聚

執戟

武士以上並惠紀應劭曰高祖使武士縛信是也

騶惠紀師古曰本殿之馭者後又令為騶因為騶騎也東方朔給騶侏儒

太僕

太僕秦官掌輿馬有兩丞屬官有大廐未央家馬師古曰家馬者主供天子私用非大祀戎事軍國所須故謂之家馬也三令各五丞一尉

又車府路輪騎馬駿馬四令丞又龍馬閑駒橐泉駒駢丞華五監長丞又邊郡六牧師苑令師古曰漢官儀云牧師諸

苑三十六所分布北邊四邊分養馬三十萬匹各三丞又牧橐師古曰牧橐言牧養駝也昆駢應劭曰昆駢好馬名也駢音蹄令丞皆屬焉中太僕掌皇太后

與馬不常置也。武帝太初元年更名家馬爲桐馬。桐音徒孔反。應劭曰：主乳馬取其汁桐治之。味酢可飲。初置路軫。百官

駿馬監。傳介子

平樂監。傳介子

移中監。蘇武師古曰：移中廐名。如濤曰：移園之中馬廐。

家車吏。齊受師古曰：主漢王之家車。非軍國所用。見功臣表。

廐司御。夏侯嬰爲沛廐司御。

農官。食貨志：武帝水衡少府太僕大農各置農官。

廷尉

廷尉秦官。掌刑辟。有正左右監。秩皆千石。景帝中六年更名大理。武帝建元四年復爲廷尉。宣帝地節三年初置左右平。秩皆六百石。哀帝元壽二年復爲大理。王莽改曰作士。百官表：又宣紀地節三年初置廷尉平四人。

廷尉史。張湯傳：湯爲廷尉。請博士弟子治尚書春秋。補廷尉史。又路溫舒以奏曹掾守廷尉史。子定國以郡波曹補廷尉史。

奏曹掾。以溫舒傳：奏曹掾光。

奏讞掾。廷尉湯以兒寬爲奏讞掾。

掾。廷尉湯以從史兒寬爲之。

從史師古曰只隨官僚不主文書

廷尉文學卒史以上並兒寬傳寬以掌故功次補卒史

書佐薛宣少爲廷尉書佐

大鴻臚

典客秦官掌諸侯歸義蠻夷有丞景帝中六年更名大行令武帝太初元年更名大鴻臚應劭曰郊廟行禮讀九賓鴻臚聲

臚傳之也屬官有行人譯官別火三令丞如淳曰漢儀注別火獄令官主治改火之事及郡邸長丞武帝太初元年更名行人爲大

行令初置別火王莽改大鴻臚曰典樂初置郡國邸屬少府中屬中尉後屬大鴻臚百官表

主客金日磾傳成帝時金岑爲主客服虔云主胡客屬大鴻臚

大鴻臚文學平當治禮丞功次補文學

大行治禮王莽傳公賓就故大行治禮

大行治禮丞平當

大行卒史儒林傳

宗正

宗正秦官掌親屬有丞平帝元始四年更名宗伯屬官有都司空令丞如淳曰律司空主水及罪人賈誼曰輪之司空編之徒官內官

長丞師古曰律歷志主分寸尺丈也又諸公主家令門尉皆屬焉王莽并其官於秩宗初內官屬少府中屬主爵後屬宗正百官表

主傳東方朔傳昭平君醉殺主傳

中府東方朔傳館陶公主中府師古曰中府掌金帛之藏

舍人周長孺師古曰舍人家人也主家事者也見藝文志

大司農

治粟內史秦官掌穀貨有兩丞景帝後元年更名大農令武帝太初元年更名大司農屬官有太倉均輸平準都內籍田五令丞幹官如淳曰幹音莞或作幹幹主均輸之事所謂幹鹽鐵而權酒酤也鐵市兩長丞又郡國諸倉農監都水六十五官長丞皆屬焉搜粟都尉武帝軍官不常置王莽改大司農曰羲和後更爲納言初幹官屬少府中屬主爵後屬大司農百官表

大司農中丞管諸會計事食貨志下桑宏羊

大司農部丞食貨志桑宏羊請置大農部丞數十人分部主郡國平紀元始元年置大司農部丞十三人

大司農史蕭望之傳李宮

大司農斗食屬薛宣